

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

MA·GIPA·DEMECHIKNI SRIKSRIK DAKANI

Mark 6:17-29

GOLPO...



Herod Rajani jikgipa, Herodias, Johan Napbolatgipako ka-onangachim. Uni segipani namgijagipa indiba man·e cha·batgipa jonggipako kimna gita uni segipa Pilipko watahani gimin a·gisio donggipa katchinikgipa uko til·ekgipa ine mingna ka·dongaha. Da·ode ia denggugipa rani Johanko man·a ine Herodni kosako an·tangni bilko jakkalna miksongaha. Unikode ua Johanko so·otchina bi·aha, indiba Herod jechakaha. Johan kakketgipa katchinikgipa ong·a ine ua ma·siachim aro sorkarini kamna manderang namnikgijaniko mesoknaba donga ine kenaha.

Bon·kamao, Herodias chu·soksranggipa budiko dakaha. Herodni atchiani salo ua ale cha·aniko dakaha, aro uni pilak ripengrangko aro uni songnokoniko dal·gipa manderangko okamataha, unikode uni demechik silgipa Salomeko dakmajoa gnang muni nangate chrokchina gita donaha. Jensalo Herod chuko adita glassrang ringahaon, uni chrokanina uni namnikgipa on·pilskaaniko am·china ua Salomeko agangen ine Herodias ka·dongaha.

Uni namjabegipa budi dakani chu·sokaha. Salomeni chrokani ja·mano, Herod gaorade·e ku·mikchetaha:

“Jeko na·a ango bi·gen, ukon angni songnok samsaona

kingking anga nang·na on·gen.” Mark 6:23. Chuchi pekatako man·gipa sokgiparangni rajani jaksramanina de·doe aganengon, ua me·tra aganchakna taria gnang chadengaha. Unikode ua Johan Napbolatgipani skoko talao am·emung sakantikon jagokataha! Ia kenjagokatgipa bi·anina Herod jadachangaha, indiba jagokatako man·gimin uni pilak ripengrang uni aganchakaniko nisongengachim. Ua jechakode uko bilgrie nikaigrok ine ua kenaha, gaorade·gipa raja gisiko sigkija dake ge·etaniko dakaha. Ua salon dal·gipa katchinikgipa Johan patoko saksan sko sotako man·aha.

Ma·gipa aro demechik dolni Isolni manderangko a·rik sanalna a·songko sason ka·gipako jakkalanaiara ian skanggipa changna ong·a ong·ja.



PORAIANI

Satroni podko poraie bangbangrango gapatbo.

1. Niam Gitchamo Isolni manderangko a·rik sanalgipa sakgipin ma·gipa aro demechik dolara badia?

1 Rajarang 18:13 _____ *Jihovani katchinikgiparango so·otaha.*

2 Rajarang 11:1 *Da·o ... _____ an·tangni depante siaha ine nikoa ua chakate rajani pilak bitchrirangko nisiataha.*

U·IE RA·ANI: Niam Gitchamo, Jezebel aro uni demechik Athaliako salgro aro salgipengni Israel aro Juda songnokrangko an·chi pari nike dokol ka·anina, aro Isolni manderangko songsarek olakkianiko dakatna draanina niksenga.

2. Parape·a 14 o gnigipa sa·greni nama kattaara maia?

Parape·a 14:8 *Aro gipin, gnigipa sa·gre, ja·rike inaha, “ _____, ga·akaha, dal·gipa _____, pilak jatrangko an·tangni til·ekani ka·onangani draka bitchhiko ringatgipa.”*

U·IE RA·ANI: Jisuni gnigipa changna re·bapilna skang a·gilsak gimikona sokatna nanggipa, ta·raken dakna nanggipa minggittam nama kattarang Parape·a 14 o gngang. Ia minggittamoni gnigipa nama kattako an·ching ia lesson skie ra·gen. Babylonko Isolni bichal ka·aniko mesokaha maina ua pilak jatrangko an·tangni peggipa chuko ringtaha. Ia lesson Katholik aro Protestant, ia dolgnini bebera·giparangna mitam namen tongtong ong·gipa, aro haida jingjengatgipa nama kattarangko aganprakgen. Gisik ra·bo je ia gnigipa sa·greni nama kattara Jisuoni ong·a, Jenan an·ching pilakan ka·sara. Uni bebenang·ni ka·tongko obo, maina Uni miksonganide nang·ko jokatna aro pattinasa ong·a.

3. Parape·a 17 o Babylonko Isol maikai mesoka?

Parape·a 17:18 *Aro nang·ni niggimin _____ songjinma dal·gipa ong·a; uan a·ani rajarangni kosako songnok man·gipa.*

U·IE RA·ANI: Satroni katchinikano, me·chikara mondoliko miksonga. Parape·a 12 o talatani gitade rongtalgipa me·chikara Isolni kakketgipa mondoliko miksonga. Kakketgijagipa me·chikara Sastrooni gita re·gijagipa mondoliko miksongskaa. Ia ga·akgipa me·chikara sawachim uko an·ching namdaken ma·sina man·gen, maina Parape·a ki·tapko semiting somoio ua sason ka·engachim ine Parape·a 17:18 o agana. Itihaso an·chingna uan Rome songsarek ong·a (Luk 2:1) ine agana jean uni sason ka·ani, skotong songjinma, aro bil ka·sine ka·sine popeni sason ka·gipa Rome ong·skaaha.

4. Babylonara popeni sason ka-gipa Romeko miksonga ine Parape-a 17 o maia minggin sakki donga?

- A. *Uo kal-stapani dos gnang (Pod 3).*
- B. *Ua gitcakmrang aro gitcakako gana (Pod 4).*
- C. *Uko ma-gipa ine minga (Pod 5).*
- D. *Uo dari dakgipa demechikrang gnang jemangan ga-akgiminrang ong-a (Pod 5).*
- E. *Ua rongtalgiparanko a-rik sanalaha aro so-otaha (Pod 6).*
- F. *Ua "a-bri dotsni"o asonga (Pod 9).*
- G. *Ua a-gilsakni rajarangni kosako sason ka-aha (Pod 18).*

U-IE RA-ANI: Ia talatgipa mingantian popeni sason ka-gipa Rome baksa ma-gapa. Uni skotonggipa songara Romeon ong-a - "a-bri dotsnini songjinma." Gitcakara Roman Katholik pamongrangni ba-rani rong ong-a, aro pope nangchongmotgipa gronggrikanirangko dakon rajani rong gitcakmrangko ganronga. Middle Agesni somoio, uamang rongtalgiparanko a-rik sanalaha aro a-gilsakni rajarangni kosako sason ka-aha ine Roman Katholik Mondoli mamung peng-panga grian ku-rachaka. (Popeo kal-stapani dosi gnang ine sakkiko man-na gita, Lesson 19 ko nibo.) Isolni mesokani namedaken melia - ga-akgmin mondolini ma-gipa jeni ga-akgmin demechikrang jegananiko dakaha aro uamangko Protestanrang ine mingna a-bachengaha. Father James A. O'Brienni agangipa kattarangko nie nibo: [Sonibar salni palo Robibar salko] rakkianiara Mondolini Ma-gipaoniko man-rikani gita dongrikgipa ong-a jeonian Katholik mondoli ong-gijagiparang ma-ekangahachim." ¹

¹ The Faith of Millions (Huntington, IN: Our Sunday Visitor, Inc., 1974), p. 401.

5. Parape-a 13 aro 17 ni matburunrangko maikai tosusaa?

Parape-a 13:1 *Aro ua sagalni an-chengo chadengaha. Aro anga sagaloni ong-katbaenggipa matburunrangko nikaha, aro uo _____ gongchikkung aro _____ dotsni, ... aro uni skorango _____ bimumrang gnangchim.*

Parape-a 17:3 *Aro anga _____ bimumrang gapgipa, _____ dotsni aro _____ gongchikkung gnanggipa, matburung gitcako asonga me-chikko nikaha.*

U-IE RA-ANI: Parape-a 13:1-10 ni matburung aro Parape-a 17 ni matburungara apsanan ong-a. Ia mangnian Romeni mandeni bilko miksonga. Parape-a 17 o mondoli aro a-dokni bakrime kam ka-aniko mesoke on-a, mondoli (ga-akgimin me-chik) baksa a-dok (matburung) ko chalaianiko aro sason ka-aniko miksonga. Parape-a 13 oba sakgipinrangko olakkina draanio manggni matburungni bak dongpaaniko mesoka. Parape-a 17 o talatani gita skanggipa matburungara "darirangni ma-gipa" gita apsan dake bilko man-gipa ong-a. Ia lessono ta-raken gnigipa matburungkoba parape-gen.

LESSON 18

6. “Babylon” kattani ortoara maia aro banoni ong-baaha?

Abachenga 11:4, 6, 7, 9 Hai ... an-ching an-tangtangna songjinma songsa, aro salgi gitote itko dakdona ... Unon Jihova inaha, Hai, uamang saksara sakgipini _____ u-ina amjachina gita, an-ching ong-onange uamangni ku-sikko dingtang dingtang dakatna. Uni gimin uni bimumngo Babel mingaha; maina uanon Jihova a-a _____ ku-sikko dingtang dingtang dakataha.

U-IE RA-ANI: “Babel” aro “Babylon” ingipa minggni kattarangni ortoara “biling bildanggipa” ine ong-a. Ia bimum Babel Chugipa Nokoni ong-baaha, jekon katta manigijagipa songsarekrang chi dudiani ja-mano rikahachim. Mikkangchi chi banna ong-aniko sripjana gita uamang chube rikna mangsongahachim. Indiba Jihova uamangni ku-sikrangko dingtang dingtang dakataha, jean ua mangsonganiko dondikatile biling bildang ong-ataha. Ja-mano Babylon a-gilsakni mite olakkigipa songnok jean Isolni manderangko a-rik sanalgipa, ong-skaaha. Parape-a ki-tapo, “Babylon” ingipa kattara apsan bimangko ra-e tol-mikgipa toromni songnokko miksonga jean Isolni gisikni Israelni bobil ong-a.

7. An-tangni manderangko ong-katchina agane, Isol maikai Babylonko talataniko daka?

Parape-a 18:2, 4 Aro ua bilake chrike inaha, “ _____, ga-akaha, dal-gipa Babylon, aro ua korerangni dongram, aro pilak marang gnanggipa gisikni patok ... _____, O angni manderang, maikai na-simang uni paprangmung bak man-pajawa, aro maikai na-simang uni dukko man-pajwa.”

U-IE RA-ANI: Babylonara ga-akmin ong-e korerangni aro marang gnanggipa gisikni dongram ong-aha ine Isol agana. Uni paprangara namen ka-onangatgipa ong-aha je Babylonkoara nisina nanganiona sokpilaha ine Ua mikrakata. Isolni manderang ta-raken ong-katbana nangenga, ong-jaode Babylonni dukrang baksa nisichapatako man-pagen.

8. Babylonni a-gilsakko uni chuchi pekatanina Jisu changni changna agananiko daka. Ia chuara maia?

Parape-a 17:4 Aro uni jako _____ aro _____
_____ gaggipa sona ringchakani gnangchim.

U-IE RA-ANI: Uni ringchakaniara pekatgipa tol-anian gaggipa ong-a (Toe Skianirang 12:22), ba tol-gipa skianirang jean manderangko gisikni gita pekatachim. Iarangan uni tol-napachi kimalatgipa adita tol-anirangko sulsul dake segiminrang:

- Mingchikkung Ge-etanirangara apsan kadimgiminrang ong-ja (Lesson 6 ko nibo).
- Robibar salko rongtalatani (Lesson 20 ko nibo).
- Sriksrik rimdoani (Lesson 1 ko nibo).
- Jangini sigijani (Lesson 9 ko nibo).

- E. Noroko jringna saknakame dongani (Lesson 13 ko nibo).
- F. Paptangko kamalna ku-rachakani (Lesson 19 nibo).
- G. Dakmikgipa napbolatanirang (Lesson 12 ko niko).
- H. Bilding bildanggipa ku-sik (Lesson 21 ko nibo).

Dukni kattade, changsa Babylonni kattarangko ra-chakahaon, mandeara gisikni gita pekataniko man-aha aro Sastro maikomancha aganachim uko namedake ma-sina man-jaha, maina ia tol-gie skianirangan mandeni bebeko ma-sina man-gipa bilko jada changataha.

9. Bon-kamani salo maidagipa bil ia matburungna chakpagen?

Parape-a 13:11, 12 *Aro anga a-oni ong-katbaenggipa _____
_____ nikaha, aro uo mes bi-sa gita grong gonggni gnuangchim, aro ua drakon gita aganachim. Aro ua skanggipa matburungni nokgipa ong-ani pilakkon uni mikkang daka. Aro ua a-a aro uno donggiparangko, siani matako namata man-gipa skanggipa matburungko olakkiata.*

U-IE RA-ANI: An-tangko bilakatbo! Parape-a 13 ni ia gnigipa matburungara Americani United Stateskon miksonga. Sakkirangko ning-tue chanchie nibo:

A. *Uni bilakbaani somoi:*

Skanggipa matburungko rim-gittange, uni signigipa mataniko man-ani somoi jolon ia bilba bilakbaa ine Isol talataniko on-a (Parape-a 13:10, 11). 1,260 bilsirangni bon-angachi popeni bil be-ani somoi jolon Americani United States bilakbaaha, jean 1798 bilsio ong-achim. America uni jakgitel ong-aniko 1776 bilsio parakataha, 1798 bilsio Constitutiono ra-chakaha, A-songni Niamrangko 1791 bilsio ra-gataha, aro 1798 bilsio a-gimiko bilakbatgipa ine rongtalen ma-siaha.

B. *Ua a-aoni ong-katbaa.*

An-chingni skang skie ra-bagimin gita, chioni ong-katbagipa bang-bata songnokrang (matburungrang) mande bang-gipa biapko miksonga (Parape-a 17:15). A-aara uni bikpilgipako miksongskaa. Iana United States namemanchan melia maina uko mande bang-gijagipao biapo rikaha.

C. *Uo mes bi-sa gita grong gonggni gnuang.*

Katchinike aganania, mes bi-sara Jisuko miksonga aro grongara bilko miksonga. Ia dal-begipa grong gnongniara Americao songdong a-chaengmiting somoio Protestant niamrangko rikaniko miksonga - ramranggipa manderangni gita aro toromni gita jakgitele rikgimin niamrang. Uano Songdong A-chachengegipa Pagitchamrangara torom aro a-songko sason ka-giparangni a-rik sanalaoni naljokaniko man-na ine Europeoni katanggiparang ong-achim. Uamang songsalko ramranggipa manderangni aro toromni niamrang pangchake rikaha - "raja gri a-songko sason ka-ani aro pope grigipa torom."

10. Katchinike agansoani gita, Americao maia bilakbegipa dingtangani ong-nasienga?

Parape-a 13:11 *Aro ua _____ gita _____.*

LESSON 18

U·IE RA·ANI: Drakon gita agana inani miksonganide, United States, Satanni bilni ning-o ong-na sienga, jean a-bachengo toromni gita aro a-songni gita dingtang dingtang dake rikbagimin Protestant niamrangko bikpilatnasienga. Uano ong-a ong-gijako u-igipa gisikoniko bikpilate manderangko drae olakkiatgipa toromni niamrangko ra-gatgen, uko manijaode palna ba brena man-gija dakate sastiko on-gen (Pod 16, 17) aro bon-kamao so-otgen (Pod 15).

11. Bon-kaman somoio Isolni manderangoni bikpile maia minggittam bilrang nangrimgen?

Parape-a 16:13 *Aro anga _____ ku-sikoni, aro _____ ku-sikoni, aro _____ ku-sikoni, gittam marang gnang gisikrangko, diplokrang gita ong-katako nikaha.*

U·IE RA·ANI: Drakonara Satan ong-a (Parape-a 12:9), jean songsarek toromrang gita kamko ka-enga. Parape-a 13:1-10 ni matburungara pope. Parape-a 16 ni tol-a katchinikgipara Americani kakketgipa toromko jegalgipa Protestantrang, jean Parape-a 13:11-17 ni matburung gita apsan bilko man-gipa, mes bi-sa gita grong gonggni donggipa indiba ja-mano drakon gita agangipa ong-a. Ia bilan “dal-gipa chinrangko” dakgipa aro a-ao donggiparangko, “ua matburungni mikkango dakna una on-gimin” chinrangchi brangatgipa ong-a. Parape-a 13:13, 14. (Ia tol-a katchinikgipako talataniko Parape-a 19:20 baksa tosusabo.)

12. Ia nangrimgimin dolrangara namen bilakbee nangrimgrikgenma?

Parape-a 16:14 *Maina uarangan chinrangko dakgipa korerangni gisikrang ong-a; uamangan Bilakbatgipa Isolni dal-gipa salo dakgrikaona uamangko rimchिमongna, a-gilsak _____ ong-katanggiparang.*

U·IE RA·ANI: Oe, Isol agana uamang nangrimgrikgen. Brangananiko gipatangianio aro Isolni manderangoni bikpilgipa dolko rikenganio uamangni nangrimgrike kamko ka-aniko chanchiate nibo. “Bilakbatgipa Isolni dal-gipa salo” dakgrikaniara me-chikni dongpitigipa bitchrirang baksa drakonni dakgrikani (Parape-a 12:17) gita apsangipa a-sel ong-a.

13. Ia bon-kaman-somoini nangrimgimin dolara maia bilakbegipa kamrangko dakgen?

Parape-a 16:14 *Maina uarangan _____ dakgipa korerangni gisikrang ong-a.*

Parape-a 13:13, 14 *Aro ua dal-gipa _____ daka, maikai manderangni mikkango salgioni a-aona wa-alko ong-onata. Aro ... ua ... dakna una on-gimin chinrangni gimin a-ao donggiparangko _____.*

U-IE RA-ANI: Ia bon-kaman-somoini nangrimgimin dolara diabolni gisikrangchi dal-gipa aiao inmananirangko dakgen, aro a-gimikan ong-nasipile bebera-tokgen (Parape-a 13:3) aro brangatako man-gen. Parape-a 18:23 o indake agana, “Maina nang-ni montol dakanirangni gimin pilak jatrang brangaha.”

14. Isoni bon-kaman-somoini manderangko brangataoniko maia champenggen?

Isaia 8:20 _____ aro _____ *hai! Ia katta gita uamang aganjaode, beben uamangna mamung seng-baa dongja.*

U-IE RA-ANI: Isolni manderang pilakkon Sastrochi porika ka-e nina nanggen. Uamang brangatako man-jawa, maina uamang aiao inmanani kamrangko aro skianirangko diabolni gisikranganima ma Isoloni uko ma-sina gita pilakkon porika ka-e nigen.

NANG-NI AGANCHAKANI

Da-alo, Isol An-tangni manderangko Uni dongpitigipa mondolini naljokaniona Babylononi ong-katbachina okamenga. Jemangan Babylonon dongrika uamangde uni paprango aro dukrango bakko man-pagen ine Ua aganaha. Noani salo, Isolni uamangna jokaniko man-china on-gipa ringo sakchet mangmangsan napaiaha. Pilak gipinrangde gimatokaiaha. Da-alo Ua An-tangni dongpitigipa mondoliko naljokatgipa ring gita chacha on-enga, millionrang naptokengaha. Jisu na-simangko “na-a aro nang-ni nokgimik ringona naptokbo” ine okamenga. Abachenga 7:1. Da-alo Uni okamanina na-ara “oe” ine ingenma?

AGANCHAKANI: _____

PORAIDAPANI

Ia bak poraidapaniko dakna u-iatdapaniko on-a.

USA aro Romeara Baditana Kingking Bil Gnanggiparang Ong-a?

Bon-kamani somoio, matburungko olakkiatna gita a-gimikko gangopna ine pope aro United States namrimgen. Iako daknara uamango chu-onga gita bil gnangma?

A-gilsako torom aro a-songko sason ka-anio bilakbatsranggipade popean ong-a. A-song ge-antian ong-nasipile a-songtangna baltigipa ba a-songko dilgiparang Vaticano donga. A-song gimikni mandera-ako aro rimchaksoako man-gipade popean ong-a. U.S.S.R. ni dilgipa giticham, Mikhail Gorbachev indake agana, “A-songko sason ka-ani bidingko man-chape, Popeni jotking dakani aro uni bang-bea kamrang gride Salarang Europeo batanggimin bilsirango ong-gipa obosta mingantian ong-na gita amjawachim, jekon ua a-gilsakni kal-ramo kal-aha.”¹ Ia chasongni bon-angchipak a-gimikni toromrangko an-tangni bilni ning-o dona uni miksonganiko chu-sokatna gita pope chang 50 na batpile a-gilsakko re-ruraaha.

Sipaini bilo aro mingsinganio American skanggipa gadango ong-enga ine da-alo nikna man-aha. “[Americaara] pilakna bate bil gnangbatgipa a-gilsakni damsa mangmang dongrikgipa ong-a.”² “A-gilsakni pilak mongsonggipa obostarango Americani bilkon da-ode mongsonggipa dakgen.”³ Americani United States aro pope nangrimgen ine Sastroni katchinike aganania rongtalbeen agansamsoa, aro ia nangrimaniara a-bachengaha ine a-gilsakni obostarang rongtalen mesoka.

¹ Toronto Star, March 9, 1992, p. A-1.

² “The UN Obsession,” Time, May 9, 1994, p. 86.

³ Jim Hoagland, “Of Heroes ...,” The Washington Post, August 21, 1991, p. A-23.